

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ  
ҚАРОРИ**

**ВАЗИРЛАР МАҲКАМАСИНИНГ «ЎЗБЕКИСТОН РЕСПУБЛИКАСИ ОЛИЙ ВА  
ЎРТА МАХСУС ТАЪЛИМ ВАЗИРЛИГИ ҲУЗУРИДА ТАЪЛИМ МУАССАСАЛАРИДА  
ЭЛЕКТРОН ТАЪЛИМНИ ЖОРИЙ ЭТИШ МАРКАЗИНИ ТАШКИЛ ЭТИШ  
ТЎҒРИСИДА» 2012 ЙИЛ 25 ИЮЛДАГИ 228-СОН ҚАРОРИГА ҚЎШИМЧА ВА  
ЎЗГАРТИРИШЛАР КИРИТИШ ТЎҒРИСИДА**

Ўзбекистон Республикаси Президентининг «Ўзбекистон Республикасининг Миллий ахборот-коммуникация тизимини янада ривожлантириш чора-тадбирлари тўғрисида» 2013 йил 27 июндаги ПҚ-1989-сон қарорини бажариш юзасидан, олий таълим муассасаларида «Электрон таълим» миллий тармоғи фаолиятини такомиллаштириш ва бошқариш, шунингдек ахборот-коммуникация технологияларини янада фаол жорий этиш мақсадида Вазирлар Маҳкамаси қарор қилади:

1. Вазирлар Маҳкамасининг «Ўзбекистон Республикаси Олий ва ўрта махсус таълим вазирлиги ҳузурида Таълим муассасаларида электрон таълимни жорий этиш марказини ташкил этиш тўғрисида» 2012 йил 25 июлдаги 228-сон қарорига иловага мувофиқ қўшимча ва ўзгартиришлар киритилсин.

2. Ўзбекистон Республикаси Олий ва ўрта махсус таълим вазирлиги манфаатдор вазирликлар ва идоралар билан биргаликда бир ой муддатда ўз норматив-ҳуқуқий ҳужжатларини ушбу қарорга мувофиқлаштирсин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Б.Ю. Ходиев зиммасига юклансин.

**Ўзбекистон Республикасининг Бош вазири Ш. МИРЗИЁЕВ**

Тошкент ш.,  
2016 йил 6 январь,  
4-сон

Вазирлар Маҳкамасининг 2016 йил 6 январдаги 4-сон қарорига  
ИЛОВА

**Вазирлар Маҳкамасининг «Ўзбекистон Республикаси Олий ва ўрта махсус таълим  
вазирлиги ҳузурида Таълим муассасаларида электрон таълимни жорий этиш  
марказини ташкил этиш тўғрисида» 2012 йил 25 июлдаги 228-сон қарорига  
киритилаётган қўшимча ва ўзгартиришлар**

1. 2-бандга қуйидаги мазмундаги хатбошилар қўшилсин:

«Таълим» ахборот тизимлари мажмуасининг олий таълим қисмини ишлаб чиқиш, жорий этиш ва қўллаб-қувватлаш;

Ўзбекистон Республикаси Олий ва ўрта махсус таълим вазирлигининг расмий веб-сайтини такомиллаштириш».

2. 5-банднинг учинчи хатбоши қуйидаги таҳрирда баён қилинсин:

«Марказни Ўзбекистон Республикаси Олий ва ўрта махсус таълим вазирлиги ҳузуридаги Олий таълим тизими педагог ва раҳбар кадрларини қайта тайёрлаш ва уларнинг малакасини оширишни ташкил этиш бош илмий-методик марказининг Тошкент шаҳри, Олмазор тумани, Зиё кўчаси, 3-уй манзилидаги биносига ижара тўловисиз жойлаштирсин».

3. Илованинг матни қуйидаги таҳрирда баён қилинсин:

**«Ўзбекистон Республикаси Олий ва ўрта махсус таълим вазирлиги ҳузуридаги Таълим  
муассасаларида электрон таълимни жорий этиш марказининг  
ТУЗИЛМАСИ**



Ходимларнинг чекланган умумий сони — 26 киши, шу жумладан бошқарув ходимлари — 21 киши».

*(Ўзбекистон Республикаси қонун ҳужжатлари тўплами, 2016 й., 1-сон, 6-модда)*